

Szene 9 nach Thriller

Malin Hey, Leila, wenn tüemer mol weder zäme en Chueche bache? Oder weisch was, mer send scho lang nömme zäme im Wald gsi!

Leila mhm.

Malin Losisch mer überhaupt zue?

Leila mhm.

Malin Du hangsch nor a dim Handy. Besch en rechte MMOG-Junkie worde!

Leila Näi, ben ech ned. S'esch nor grad so spannend. Hey em Fall, im Level 101 gohts voll ab – do chönd all die andere Spel ipacke.

Malin 101?! Wow, ech bi bim 53... Los, ech han en rüdige Albtraum gha letscht Nacht.

Leila Albtraum, tönt cool, das esch e chli wie letschte Spiel. Mann, das...

Malin Leila: Ech suech mer en nöi Fröndin.

Leila Wie chonsch jetzt of das? Mer send doch BFF!

Malin Scho. Aber met minere BFF möcht ech weder mol so rechtig Ziit verbrenge – ond ned nor virtuell im MMOG omesörfe. Wie vorhär. Das esch cool – ond ned das blöde Spiel!

Leila *Aber MMOG isch, het.... Schwafelt wie ein Wasserfall*

Malin MMOG oder ech.

Leila Wow, du meinesch voll ärnscht. *(überlegt)* Du hesch Rächt. Das Spel esch zwor scho lässig, aber ergendwie au emmer weder s Gliche. Es esch vel loschtiger, met der es Buech z'läse oder i Wald zgoh.

Malin Ech be froh, gsehsches i. Also, stiiged mer us usem MMOG.

Leila *(Zögert kurz)*. Jo. Mer stiiged us.

Löschen feierlich die App auf dem Handy.